

Pitanja i odgovori iz druge sedmice (09-15. februar 2026) objave Poziva za dostavljanje projektnih prijedloga u okviru EU4CAET – Instrumenta za dodjelu grantova – Finansijski aspekt - Poziv br. 1 (EU4CAET Poziv)

Pitanje 1.

Željeli bismo vam uputiti nekoliko pitanja povodom poziva za dostavljanje i finansiranje projektnih prijedloga u okviru projekta EU4CAET koja se odnose na grad iz Republike Srpske.

1. Da li grad može da podnese prijave (da li je prihvatljivo) za projekte u obje kategorije – Prva kao JLZ koja je već primila tehničku asistenciju i uporedo za FNE na drugoj lokaciji, kao JLZ koja nije primila tehničku asistenciju?
2. Da li drugi nominovani projekat mora imati članove ZOE čiji su objekti fizički u neposrednoj blizini?
3. Da li grad može aplicirati sa dvije solarne elektrane na različitim lokacijama u okviru jednog projekta ukoliko će obje biti dio sistema zajednice obnovljive energije?
4. U pogledu potrebne dokumentacije, navedeno je da su dozvole obavezna dokumentacija, međutim lokalne zajednice koje u okviru CAET-a primaju tehničku podršku još uvijek nisu dobile svu projektno-tehničku dokumentaciju kojom bi mogle tražiti građevinsku dozvolu. Kako ovo riješiti?

Odgovor 1.

1. Grad/općina može aplicirati s više projektnih prijedloga, uključujući projekte koji su prethodno primili tehničku asistenciju u okviru CAET-a, kao i projekte koji nisu bili obuhvaćeni tehničkom asistencijom. U tom slučaju, primjenjuju se različiti maksimalni iznosi granta, u skladu s pravilima EU4CAET Poziva:

- za projekte koji su prethodno primili tehničku asistenciju, maksimalni iznos granta iznosi do 170.000 EUR,
- za projekte koji nisu primili tehničku asistenciju, maksimalni iznos granta iznosi do 99.999 EUR.

Svaki projektni prijedlog se razmatra odvojeno, u skladu s uslovima i kriterijima EU4CAET Poziva.



2. U skladu s važećim zakonodavstvom Republike Srpske, članovi Zajednice obnovljive energije ne moraju biti u neposrednoj fizičkoj blizini, ali moraju ispunjavati propisane teritorijalne i tehničke uslove. U skladu sa Članom 7. Pravilnika o zajednicama obnovljive energije:

- Prebivališta ili sjedišta članova Zajednice obnovljive energije moraju se nalaziti na teritoriji jedinice lokalne samouprave na kojoj se izvodi projekat ili na teritoriji lokalne samouprave čija se teritorija graniči sa teritorijom jedinice lokalne samouprave na kojoj se izvodi projekat.
- Mjerni uređaji putem kojih se snabdijevaju članovi Zajednice obnovljive energije i mjerni uređaji projekta, odnosno mjerni uređaji relevantni za raspodjelu energije unutar Zajednice obnovljive energije, moraju se nalaziti na području jednog operatora distributivnog sistema.

3. Ne. U okviru jednog projektnog prijedloga moguće je aplicirati za samo jednu solarnu fotonaponsku elektranu kao dio sistema Zajednice obnovljive energije. Ukoliko grad želi realizirati dvije solarne elektrane na različitim lokacijama, one moraju biti predmet dva odvojena projektna prijedloga, koji se podnose i evaluiraju zasebno, u skladu s uslovima EU4CAET Poziva.

4. U skladu s EU4CAET Pozivom, svi projekti moraju imati pribavljene sve neophodne dozvole i saglasnosti koje su propisane važećim zakonodavstvom, kako bi, u slučaju odobravanja grant sredstava, mogli odmah započeti realizaciju projekta. Drugim riječima, projekti moraju biti spremni za gradnju. Ukoliko je za određenu vrstu zahvata zakonom propisana građevinska dozvola ili druga odgovarajuća dozvola, ista mora biti pribavljena i dostavljena u okviru projektnog prijedloga. Nedostatak kompletne projektno-tehničke dokumentacije i pripadajućih dozvola može uticati na prihvatljivost i bodovanje projektnog prijedloga, u skladu s kriterijima evaluacije.

Pitanje 2.

Ovim putem vas molim za pojašnjenje: Da li fizičko lice može aplicirati za sufinansiranje rekonstrukcije sistema grijanja porodične kuće, konkretno zamjena elektrokotla sa toplotnom pumpom? Nažalost, lokalna zajednica u kojoj živim nije se uključila u ovaj Projekat, tako da mi projekat nije dostupan u okviru partnerstva kako je predviđeno. Smatram da je Projekat vrlo značajan za „obične ljude“, jer omogućava značajne finansijske uštede i smanjenje emisija štetnih gasova.



Odgovor 2.

Fizička lica (pojedinci/građani) ne mogu samostalno aplicirati za finansijsku podršku u okviru EU4CAET Poziva, uključujući projekte rekonstrukcije sistema grijanja porodičnih kuća, kao što je zamjena elektrokotla toplotnom pumpom. U skladu s EU4CAET Pozivom, prihvatljivi vlasnici projekata su općine i gradovi, Zajednice obnovljive energije (ZOE – osnovane ili u procesu osnivanja), kao i partnerstva koja uključuju općinu ili grad. Projekti koji su namijenjeni isključivo individualnim domaćinstvima nisu prihvatljivi kao samostalni projektni prijedlozi. Učešće lokalne zajednice (općine/grada) ili uspostavljanje odgovarajuće partnerske strukture predstavlja preduslov za pristup sredstvima EU4CAET Instrumenta za dodjelu grantova. Ukoliko se lokalna zajednica ne uključi u Projekat, pojedinačni građani, nažalost, nemaju mogućnost samostalnog apliciranja u okviru EU4CAET Poziva.

Pitanje 3.

Da li se privredni subjekt može prijaviti za sredstva za dodjelu granta po pozivu?

Odgovor 3.

U skladu s EU4CAET Pozivom, prihvatljivi podnosioci projektnih prijedloga su općine i gradovi u Bosni i Hercegovini, kao i partnerstva koja uključuju općine/gradove i druge subjekte, kao što su zajednice obnovljive energije (osnovane ili u procesu osnivanja), subjekti privatnog sektora i/ili građani, osnovane u Bosni i Hercegovini. Privatni subjekti se, dakle, mogu uključiti kao dio partnerstva s općinom ili gradom, ali ne mogu samostalno nastupati kao podnosioci projektnih prijedloga.

Pitanje 4.

Da li je prilikom zamjene postojećih lampi javne rasvjete sa LED rasvjetnim tijelima dovoljno priložiti Elaborat sanacije i zamjene rasvjete da bi projektni prijedlog bio prihvatljiv?

Odgovor 4.

Elaborat sanacije i zamjene javne rasvjete može predstavljati relevantnu tehničku osnovu za projektni prijedlog. Međutim, sam Elaborat nije dovoljan ukoliko važeće zakonodavstvo propisuje pribavljanje dodatnih dozvola ili saglasnosti. U skladu sa članom 6.3 Poziva za dostavljanje projektnih prijedloga – Obavezna projektna dokumentacija, tačka E. Dozvole i saglasnosti, aplikant je dužan dostaviti sve





dozvole i saglasnosti potrebne za predloženu tehnologiju i lokaciju projekta, izrađene i izdate u skladu sa važećim zakonodavstvom Bosne i Hercegovine te relevantnim entitetskim i/ili kantonalnim propisima. Dodatno, kako je definisano u Smjernicama za aplikante, projekti moraju biti spremni za implementaciju, odnosno moraju imati odgovarajući nivo razrađenosti projektne dokumentacije (npr. glavni projekat) i pribavljene sve zakonom propisane dozvole, ukoliko su iste primjenjive na konkretan zahvat. Nedostatak kompletne dokumentacije može uticati na prihvatljivost i bodovanje projektnog prijedloga, u skladu s kriterijima evaluacije definisanim EU4CAET Pozivom.



EU4CAET is co-funded by the European Union and the Federal Republic of Germany. GIZ has been commissioned to implement it as part of the CAET programme by the German Federal Ministry for Economic Cooperation and Development. The project supports Bosnia and Herzegovina's energy transition by providing expertise and grant funds for community-led sustainable energy projects.